

前
漢
演
義



江苏工业学院图书馆
藏书章

第一冊

前漢
演義
下編

文士
華恆
著

商務印書館印行

合浦珠傳奇

一册 一角二分

敘述一富翁擁巨資。臨終時囑將歷年積蓄悉交其友陳生執管。後其子比瞞匪人。流爲乞丐。歷盡艱辛。忽然愧悔。陳生見其子果能改行從善。即將所執管之資。悉數歸還。前後情節。極爲曲折。

天妃廟傳奇

一册 一角

此書記亂黨毀廟事。意在諷世。文字極典雅。亦極淺顯。談諧處能令人解頤。

蜀鵲啼傳奇

一册 一角六分

是書係林畏廬先生刺取清季庚子拳亂之事實。編爲傳奇。凡匪徒之橫暴。官紳之助虐。莫不繪影繪聲。躍躍紙上。

商務印書館發行

Popular History of the Han Dynasty

Volume III

Commercial Press, Limited

All rights reserved

中華民國九年十月初版

前漢演義 編下 六册

(定價大洋壹元貳角)
(外埠酌加運費匯費)

編纂者 永泰黃士恒

校訂者 無錫孫毓修

發行者 商務印書館

印刷所 上海北河南路北首寶山路
商務印書館

總發行所 上海棋盤街中市
商務印書館

分售處 商務印書分館

長沙常德成都重慶瀘縣福州
廣州潮州香港桂林梧州雲南
貴陽 張家口 新嘉坡

此書有著作權翻印必究

前漢演義下編目錄

- | | | |
|---------|---------|---------|
| 第一百二十五回 | 職供養蓋主入宮 | 謀篡奪燕王遇赦 |
| 第一百二十六回 | 奉賢母不疑著名 | 冒太子方遂伏法 |
| 第一百二十七回 | 李陵置酒勸蘇武 | 常惠設策動單于 |
| 第一百二十八回 | 全漢節蘇武歸國 | 謝故人李陵報書 |
| 第一百二十九回 | 丁外人私侍公主 | 上官桀謀害霍光 |
| 第一百三十回 | 上官桀謀逆伏誅 | 燕王旦懼罪自殺 |
| 第一百三十一回 | 討烏桓明友報捷 | 斬樓蘭介子立功 |
| 第一百三十二回 | 孝昭帝駕崩無嗣 | 昌邑王奉召入京 |
| 第一百三十三回 | 劉賀卽位肆昏淫 | 霍光憂國謀廢立 |
| 第一百三十四回 | 延年按劍刼羣臣 | 太后宣詔廢劉賀 |
| 第一百三十五回 | 逢君惡從官伏誅 | 起民間宣帝繼統 |

- | | | |
|---------|---------|---------|
| 第三百三十六回 | 延年上書劾霍光 | 宣帝下詔求故劍 |
| 第三百三十七回 | 田司農貪贓自殺 | 常校尉征胡立功 |
| 第三百三十八回 | 行毒計許后被酖 | 遂陰謀霍女正位 |
| 第三百三十九回 | 魏相因許伯進言 | 宣帝防霍氏生變 |
| 第三百四十回 | 罷諸霍貴戚怨望 | 獲王嫗外家受封 |
| 第三百四十一回 | 發逆謀功臣絕後 | 報舊恩宮婢陳言 |
| 第三百四十二回 | 封劉賀廢王善終 | 褒王成循吏接跡 |
| 第三百四十三回 | 龔遂單車治渤海 | 朱邑遺命葬桐鄉 |
| 第三百四十四回 | 驚遠夷廣漢揚名 | 得民心京兆大治 |
| 第三百四十五回 | 白奇冤于公積德 | 逞陰謀廣漢遭刑 |
| 第三百四十六回 | 治潁川黃霸著績 | 尹京兆張敞顯名 |
| 第三百四十七回 | 翁歸威行右扶風 | 延壽德化左馮翊 |

- | | | |
|---------|---------|---------|
| 第一百四十八回 | 誣大臣延壽被誅 | 輕丞相望之失寵 |
| 第一百四十九回 | 屠伯酷法治河南 | 嚴嫗賢名表東海 |
| 第一百五十回 | 問牛喘解調陰陽 | 觀鵠來誤認祥瑞 |
| 第一百五十一回 | 定車師鄭吉立功 | 襲罕开武賢獻計 |
| 第一百五十二回 | 趙充國屯田立功 | 辛武賢挾私報怨 |
| 第一百五十三回 | 呼韓邪稽顙來朝 | 麒麟閣表功畫像 |
| 第一百五十四回 | 王劉空詡黃白方 | 蓋楊首蒙文字獄 |
| 第一百五十五回 | 疏仲翁叔姪辭官 | 韋玄成兄弟讓國 |
| 第一百五十六回 | 馮夫人錦車持節 | 烏孫主晚歲歸朝 |
| 第一百五十七回 | 宣帝崩御立嗣君 | 史高爭權結宦豎 |
| 第一百五十八回 | 許史爭權進宵小 | 恭顯定計陷忠良 |
| 第一百五十九回 | 結貢禹石顯邀名 | 逐周堪元帝被惑 |

- | | | |
|---------|---------|---------|
| 第一百六十回 | 忤奸人賈楊坐罪 | 重宦豎周張無權 |
| 第一百六十一回 | 朱雲講經折奸黨 | 陳咸陷獄遇救星 |
| 第一百六十二回 | 明易數京房亡身 | 發屯兵陳湯矯詔 |
| 第一百六十三回 | 陳湯決策斬郅支 | 石顯進言阻奉世 |
| 第一百六十四回 | 昭君遣恨嫁匈奴 | 史丹盡忠護太子 |
| 第一百六十五回 | 成帝卽位黜宦豎 | 王尊捨命護金隄 |
| 第一百六十六回 | 關訛言王商拜相 | 寵外戚五侯受封 |
| 第一百六十七回 | 遭誣巖丞相免官 | 洩忠謀京兆下獄 |
| 第一百六十八回 | 遭譴責弟兄僭上 | 承恩寵姊妹入宮 |
| 第一百六十九回 | 廢許后婕妤見機 | 立趙氏合德專寵 |
| 第一百七十回 | 飛燕姊妹亂宮闈 | 王氏弟兄專朝政 |
| 第一百七十一回 | 張禹設辭媚外戚 | 朱雲請劍斬佞臣 |

- | | | |
|---------|---------|---------|
| 第一百七十二回 | 王莽計害淳于長 | 成帝逼死翟方進 |
| 第一百七十三回 | 肆淫虐嬖寵擅權 | 懷忠憤閹人聚議 |
| 第一百七十四回 | 承正統劉欣入繼 | 耽淫樂成帝暴崩 |
| 第一百七十五回 | 承大統哀帝卽位 | 避外家王莽辭職 |
| 第一百七十六回 | 易大臣何武罷官 | 忤外戚師丹免職 |
| 第一百七十七回 | 任權術武吏顯名 | 驗鼓妖大臣遭戮 |
| 第一百七十八回 | 中山興獄抱奇冤 | 東平立石遭橫禍 |
| 第一百七十九回 | 董聖卿斷袖蒙恩 | 息夫躬進讒受報 |
| 第一百八十回 | 王嘉進諫下詔獄 | 孔光復官巡園陵 |
| 第一百八十一回 | 辱丞相鮑宣獲罪 | 救司隸王咸舉幡 |
| 第一百八十二回 | 迎倖臣孔光獻媚 | 慕華胄董恭求婚 |
| 第一百八十三回 | 聞戲言王閔進諫 | 懼伏誅董賢自戕 |

第一百八十四回

沒家財董氏遠徙

貶四后王莽弄權

第一百八十五回

恣攻擊賊臣樹黨

頌功德羣僚獻諛

第一百八十六回

賑災民王莽市恩

降匈奴二王伏法

第一百八十七回

受甘言單于遣女

託大義王莽殺兒

第一百八十八回

云敞仗義收遺骸

王莽修怨興大獄

第一百八十九回

固權柄聯姻天子

行大婚頒賞羣臣

第一百九十回

濫封典加號宰衡

施媚術求悅太后

第一百九十一回

權奸受賞加九錫

公卿助惡掘后陵

第一百九十二回

懷母仇平帝被弑

踐大位王莽立君

第一百九十三回

安衆侯興兵倡義

翟太守爲國傾家

第一百九十四回

託符命王莽卽眞

索玉璽太后發怒

第一百九十五回

按金匱拜封黨羽

因符命誅戮公卿

- | | | |
|---------|---------|---------|
| 第一百九十六回 | 畏坐罪揚雄投閣 | 恥屈節龔勝輕生 |
| 第一百九十七回 | 行苛政羣盜紛起 | 薦奇士連帥被誅 |
| 第一百九十八回 | 私侍女王臨謀逆 | 討赤眉廉丹敗亡 |
| 第一百九十九回 | 劉縯興兵復帝室 | 王常率衆助漢兵 |
| 第一百一百回 | 破洧陽劉玄稱帝 | 圍漸臺王莽伏誅 |

前漢演義(下編)

第一百二十五回

職供養蓋主入宮

謀篡奪燕王遇赦

話說武帝駕崩之後。大將軍霍光等受遺詔。奉太子弗陵卽皇帝位。是爲昭帝。昭帝時年八歲。未能親理朝政。一切事務。皆由顧命大臣主持。論起顧命大臣。本有五人。在武帝之意。卻專注重霍光。故遺詔令霍光秉政。領尙書事。掌批閱奏章擬以金日磾上官桀爲之輔佐。至丞相田千秋御史大夫桑弘羊。不過守職奉行而已。霍光旣受武帝重託。深恐自己作事或有過失。每當朝會之日。常對丞相田千秋道。光與君侯同受遺詔。今光治內。君侯治外。尙望有以教之。使光得無負天下。田千秋聽說答道。將軍第留意。天下自蒙將軍之賜。霍光屢次請問。田千秋竟無一言。桑弘羊見丞相尙不干涉。自更不敢多口。至金日磾及上官桀。又皆與霍光連姻。

彼此又甚相得。且遺詔令其輔助霍光。遇事不敢自出主見。所以用人行政之權。皆歸霍光掌握。

當日霍光初次當國。一舉一動。朝野之人。無不十分注目。霍光生得容貌潔白。眉目疏朗。鬚髯甚多。身材不過中人。並不高大。素性

沈靜細密。自從武帝崩後。日夜在宮辦事。殿中郎僕射

官名郎官之長

見

光出入宮門。上下殿廷。所行之路。所立之處。似有一定地方。心中

覺得奇異。於是就其行立之處。暗地做個記號。等候霍光到時。留

心察看。居然不差一尺一寸。心想霍光爲人如此端重。真是大臣

氣度。十分拜服。讀者須知此時武帝新崩。昭帝年幼。又兼巫蠱初

息。人心未安。霍光身負重大責任。處此危疑地位。何等艱險。好在

他謹厚鎮定。所以得保無事。雖然如此。尙不免小受虛驚。一夜霍

光住宿宮中。已是解衣就寢。忽有數人踉蹌走入。報說殿中出現

怪異。霍光急起披衣。走到殿中。但見宿衛郎官。分頭亂竄。人聲喧嚷。鬧成一片。也問不出是何原因。霍光見此情形。恐是發生變故。心中雖然喫驚。卻也安詳不亂。因想起玉璽關係重要。立即遣人召到管理符璽郎官。意欲收取玉璽。以防不測。郎官聞召到來。霍光命其將璽交出。郎官聞言驚訝道。符璽乃臣職掌之物。非奉詔命。何得私相授受。霍光見郎官不肯交出。倉皇之際。無暇與之細說。便欲上前奪取。郎官不知霍光用意。見他用強來奪。連忙退開數步。一手緊執玉璽。一手按住劍柄。厲聲說道。臣頭可得。玉璽不可得也。霍光見此郎官願以性命守護玉璽。不惟不怒。心中反加敬重。遂告知己意。令其加意保管。此時衆人鬧了一回。也就漸漸安靜。霍光細問情由。原來衆人因武帝停靈未久。俱覺心虛。又兼夜間黑暗之中。疑神疑鬼。自相擾亂。其實並無甚事。霍光到了次

日。遂下詔將管理符璽郎官增加俸祿二等。人民聞知此事。皆說霍光秉心公正。由此人心悅服。

霍光自從此次喫驚之後。心想主上幼小。飲食起居。需人照顧。如今趙婕妤既死。所有先帝妃嬪。大抵出居茂陵園。宮中更無可靠之人。自己日理政務。又無餘暇兼顧。萬一變生意外。防範不及。主上偶有差池。我將何以對先帝。因想起武帝之女鄂邑公主。嫁與蓋侯王受爲妻。現在王受已死。其子王文信嗣爵。公主寡居無事。何不請他常住宮中。照料一切。霍光想定主意。遂加封鄂邑公主食邑。稱爲蓋長公主。令其入宮供養昭帝。又追尊趙婕妤爲皇太后。就其葬地起陵。號曰雲陵。過了一年。改元爲元始元年。霍光見昭帝親兄爲王者。惟有燕王劉旦、廣陵王劉胥。又帝姊亦只蓋長公主一人。因體貼昭帝之意。下詔加封燕王、廣陵王、蓋長公主各

一萬三千戶。並加賜燕王錢三千萬。廣陵王及蓋長公主受封。並無異說。獨有燕王因加封賜。轉又生出事來。

先是燕王劉旦自以年長應嗣帝位。所謀不遂。心中鬱鬱不樂。便存篡奪之意。及武帝駕崩。昭帝卽位。賜與諸侯王璽書告知喪事。璽書到了燕國。燕王劉旦得知武帝凶信。並不悲痛。羣臣勸令舉哀。劉旦卻不肯哭。一心謀奪帝位。故意藉詞說道。璽書封函甚小。京師疑有變故。遂遣心腹近臣壽西長孫縱之王孺等前往長安。藉問喪禮爲名。祕密探聽消息。諸人奉命到了長安。王孺素識執金吾郭廣意。因向之私問道。帝因何病而崩。現在立者何人之子。年有幾歲。郭廣意答道。吾當時待詔於五柞宮。忽聞宮中喧言帝崩。諸將軍共立太子爲帝。年八九歲。先帝葬時。亦未出送。此外別無所知。王孺見廣意說得不明不白。遂與諸人商議。意欲尋見蓋

長公主問明詳情。誰知蓋長公主已奉召入宮。住在宮中。不得見面。此外無從探聽。遂將郭廣意言語歸報劉旦。劉旦聽說正中其意。因說道。主上臨崩。未聞有何言語。蓋長公主又不得見。此事甚屬可怪。乃又命中大夫至京上書。請於各郡國設立武帝宗廟。欲以試探朝廷之意。霍光見書。不允其請。劉旦愈加不悅。此次朝廷賜錢三千萬。加封萬三千戶。劉旦不特不喜。反發怒道。我當爲帝。更受何人之賜。但他口中雖然如此言語。仍將封賜收受。暗地卻與中山哀王之子劉長齊。孝王之孫劉澤等。密謀造反。先欲收攬國權。乃詐言曾受武帝之詔。許其親理政事。修飭武備。以防變故。劉長又爲劉旦擬一命令。曉諭羣臣。羣臣不知。信以爲實。於是劉旦遂掌握一國之權。時有郎中成軫。知得劉旦意思。乘間進言道。大王失職。謂帝不得位但當起而索取。不可安坐而得。大王

若肯起事。國中之人。下至女子。皆攘臂願爲大王效力。劉旦見說。決意舉兵。因對衆宣言道。前此高后假立子弘爲皇帝。諸侯拱手事之八年。及高后崩。大臣誅諸呂。迎立文帝。天下始知少帝非孝惠之子。今我乃武帝長子。反不得立。上書請立廟。又不見聽。況我安得別有弟在。今大臣所立者。乃大將軍之子。天下當共伐之。一面使劉澤做成文書。遣人散布各郡國。欲以搖動人心。劉澤又欲自歸臨淄。招集黨羽。約期與燕國一同起兵。商議既定。遂卽起程回齊。

劉旦自劉澤去後。招集各地亡命。充當士卒。又收聚民間銅鐵。製造兵器。不時親自出外閱操。每出入僭用天子儀仗。左右近臣皆稱侍中。時有郎中韓義等見劉旦反謀已露。屢行苦諫。劉旦大怒。遂將韓義殺死。一時因諫被殺者竟有十五人。此後也就無人敢